

孫夏峯先生年譜



孫夏峯先生年譜

湯斌等編次
方苞訂正

中華書局

叢書集成初編

孫夏峯先生年譜

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

孫夏峯先生年譜

此據畿輔叢書本
排印初編各叢書
僅有此本

序

容城孫徵君既歿之三十有九年。其曾孫用楨。以舊所編年譜。屬余刪定。既卒事。而爲之序曰。自古豪傑才人。以至義俠忠烈之士。不得其死者衆矣。而傳經守道之儒無是也。極其忠。至於擯斥流放胥靡而止耳。其或會天道人事之窮。而至於授命。則必時義宜然。而與俠烈者異焉。世皆謂儒者察於安危。謹於去就。故藏身也固。近矣。而未盡也。蓋人之於天也。以道受命。三才萬物之理。全而賦之。乃昏焉不知其所以生。而自殽於物者。天下皆是也。記曰。人者。天地之心。惟聖賢足以當之。降此則謹守而不失。惟儒者殆庶幾耳。彼自有生。以至於死。屋漏之中。終食之頃。慄慄然惟恐失其所受之理。而無以爲人。其操心之危。用力之艱。較之奮死於卒然者。有十百矣。此天地所寄以爲心。而藉之紀綱乎人道者也。豈忍自戕賊哉。孔子於道。常歉然若不足。而死生之際。則援天以自信。蓋示學者以行身之方。而使其極也。先生生明季。知天下將亡。而不可強以仕。此固其所以爲明且哲也。然楊左諸賢之難。若火燎原。而出身以當其鋒。其後屢聚鄉兵。以保州部。既老。屏跡耕桑。猶以宵人。幾中機辟。迹其生平。玷於危死者數矣。在先生自計。固將坦然授命而不疑。而卒之身名泰然。蓋若有陰相者。今譜厥始終。其行事或近於俠烈。而治身與心。則粹乎一準於先儒。學者考其立身之本末。而因以究觀天人之際。可以知命而不惑矣。後學方苞撰。

孫夏峯先生年譜卷上

門人

睢水趙御衆
上谷魏一鰲
范陽耿梅

編次

桐城方苞訂正

先生諱奇逢，字啓泰，號鍾元，兩朝徵聘不就。天下稱曰孫徵君。晚年講學夏峯，學者稱曰夏峯先生。壽九十有二。按先生自敘云：余家先世小興州人，上世無所考。明永樂初，奉詔內徙，有祖諱忠者，遷容城縣東北賈家莊，家焉。田廬墳墓俱在此，是爲始祖。逾二世，諱廣，廣生諱信，信生諱端，俱以農世其業。隱德弗耀，端生諱廷寶，以生齒繁衍，移居北城村。生諱臣，字敬所，山嘉靖辛酉舉人，仕至河東鹽運司運判，居官清慎，居鄉寬忍，是爲余大父。運判公生六子：先大人諱丕振，字肯軒，以生員授儒官，運判公季子也。生平孝友，爲里黨所推定，與鹿忠節公善，繼銘其墓。母陳氏，生余兄弟四人，長奇儒，字國重，抗爽有氣節，縣庠生，學使者給冠帶儒官，次奇遇，字啓運，縣庠生，六行克備，遠邇咸服，其德皆余兄也。季弟奇彥，字啓美，天啓辛酉恩貢，仕山東武城縣知縣，廉慎不愧余祖。余少席祖父餘蔭，長依兄弟兼師友之提攜，自愧不克豎立，今八十有七矣。回憶生平，恍如隔世。兒子暨門人輩，每

孫夏峯先生年譜 卷上

詢舊事。輒信手筆之於冊。志生我與成我之德於不忘也。

此庚戌冬月。先生八十七歲時自敘也。於逐年之下。僅記所寓之地間及其事與人。其文甚略。今標以爲綱。採輯事實。附之爲目。至庚戌後五年。於日譜中補入。亦準前例。

萬曆十二年甲申十二月十四日戌時生。

先生生于北城村。南距容城縣治三里。蓋河東公卜築之鄉也。聞諸父老云。先生能言甚週。甫言卽手指門楔字能識之。

十八年庚寅七歲。

入小學。蒙師邑庠生
槐竹林正華

二十二年甲午十一歲。

始學文。從師邑庠
生張公鑑

二十五年丁酉十四歲。

入邑庠。提學御史爲

周公孔教。

父命同仲兄季弟從長兄學。

一日先生隨父肯軒公謁楊補庭。補庭爲愚慙公子。先生大母族也。見先生奇而愛之。因問曰。設使我在園城中。外無救兵。內無糧草。應如之何。先生應聲曰。効死勿去。補庭爲肯軒公賀曰。

此子足卜

修身矣。

與鹿伯順論交。

鹿公諱善繼。家定興之江村。距先生所居北城三十里。相過論交。肯軒公見而喜之。謂先生曰。鹿子言動不凡。殆古之狂士。後伯順聞之曰。何以得長者之知我乎。

二十六年戊戌十五歲。

食廩餼於庠。

二十八年庚子十七歲。

秋八月舉順天鄉試。

主考爲楊公道實。福建晉江人。顧公天峻。江南崑山人。房師章公石麟。湖廣黃岡人。草批其闕卷云。疾徐

交。少年更

爲切務。

二十九年辛丑十八歲。

春下第。

房師章過先生寓館人遺傳奇本於案上章大督過因言古人以少年登科爲大不幸稍不自立未有不敗者先生因此益自奮勉後每舉以告吾黨。

娶槐氏。

邑庠德行生秋亭諱大成女。

三十年壬寅十九歲。

父命從季父成軒公學季父一切家務父皆爲之經理。

成軒公醇篤性成其學得之河東公庭訓先生家學淵源本諸此先生非義不取上官或有以燈火之資餽者父母分

給之先生仍

出爲公用。

三十一年癸卯二十歲。

在北城。

三十二年甲辰二十一歲。

下第歸。肯軒公謂先生曰國朝重制科不舉南宮者謂之半錢功名未免降志後當路累薦舉先生每引此言堅謝不出。

督學御史授父儒官有司旌門。肯軒公以生員授儒官邑令藉如卒請鄉飲賓其詞曰品高月旦德重鄉評獨力養親克篤烏私之愛一經教子早題雁塔之名羽可爲儀俗因以變殆公實錄云。

三十三年乙巳二十二歲。

六月八日先府君以偶患心痛卒越三月營葬事成。

先庶居肯軒公喪一準古禮偕兄弟結廬墓側於東南隅築時思亭設衣冠圖書鄉老劉廷林王勳等歲時率衆獻食果必

哭於墓肯軒公厚德入人之深於此可見云○先生潛居苦塊中病後每夏秋交輒痰飲嘈嘔廢飲食成例病者幾四十年至六旬後竟愈。

三十四年丙午二十三歲。

居父髮

偕兄弟居墓側。

二月三日祖母楊安人卒。

安人忠愍公再從姪女也佐河東公宦游十餘年衣飾儉素年八十餘先生曾言祖母以劬吾父而隕命余母憐姑而夙病益增衰哀諸孤顛天無路相對飲泣而已。

三十五年丁未二十四歲。

居父憂。仍居墓側。

九月服闋。

冬。邑紳梁如星爲宦寺所窘辱。余與諸紳士言於郡縣。事得白。

書略云。異哉梁孝廉薛茂才之事。天理王法。真是大變。夫薛端一小豎子耳。餘皆小豎子之奴隸耳。

遂敢鞭撻孝廉。幽囚士子于奉詔入試之日。尙可謂有世道哉。聞人之熾惡。斯文之衰氣也。明公風教攸提。值此非常異服。察其主謀者何人。黨惡者何人。嚴訊而置之法。庶幾汚刑餘之徒。猶知有朝紳。猶知有天憲。則扶文抑暴之功。高於千古矣。

三十六年戊申。二十五歲。

春。建先祠成。合祀歷代考妣。同族人歲時致祭。其基址規度。皆府君生時裁定。

祠在北城。先生祀先睦族之事。各有定則。貧士皆可做而

之行。

十月九日。母陳孺人卒。

孺人遺猶疾三十二年。奉姑以孝稱。家政井然。處異母姑。無間言。

三十七年己酉。二十六歲。

春奉母合葬府君墓。鹿忠節公爲誌銘。先生僧兄弟廬墓側。張于度庵中。從廬中聞樂。

三十八年庚戌二十七歲。

居母憂。仍居墓側。

邑學博謝慕劬嘗過廬居論學。

謝諱夢豹。廣東人。正身率土所有者修齊錄。

清苑賈鉤廬居紀事略云。歲在乙巳。孫肯軒公歿。其嗣君國重啓運啓泰啓美同廬於墓三年。越戊申。公配陳孺人歿。四嗣君又廬於墓者三年。余按肯軒春秋僅享五十有五。其時國重啓運業聲張畿序。啓泰當習稚歌鹿鳴。已五閱歲。啓美髮未燥。于乙巳逝頻。公與陳孺人率嗣君奉楊太安人起居甚融融也。夏無病忽歿。嗣君兄弟謂未獲申菽水一日養。而風水永嘆。安忍遺先骸于野。而偃然家居乎。乃稟命太安人孺人。就墓前橫櫛一室。陳公之冠履圖書。顏曰懷神堂。東南隅又結草屋如斗。南北對向。四壁茅籬塗以泥土。西向者二。一待唁客。一貯家禮。子史諸經典。北向者二。一設苦席。長枕大被。四晝夜寢。一具突而黔。供餽粥。嗣君早暮焚香。楮簋椒漿。壺瀝巾櫛。無不備。每飯踞設。遇佳辰令節。更難列哭踊。歷三年如一日。陳孺人久患嘔。以痛公轉劇。太安人又夕陽景。兼痛公不壽。四君廬居晨起展拜。即歸趨兩尊人所。勉爲偷容。多方開慰。令諸婦善視膳。輒返墓間。無何太安人逝。孺人痛公又痛姑。疾益劇。太安人服甫闋。而孺人逝矣。四君既合葬。屬其家之外戶。水薪米鹽零雜。以時遞送。諸妯娒盡食一爨。夜棲共樓。並無煩四君內顧。四君一意護禮。日在懷神堂時對泣。泣罷再讀。儼然肯軒公在上也。嚴寒酷暑。雨雪雷電。子夜風吼。四君閱窻。當此而悲號嗚咽。眞所謂狹聞腸寸斷矣。爰殯最粗淡。謝絕麝藥。鮮脆不御。如是者六年。終始如一。嗚呼。可不謂難哉。

高陽孫文正公題廬詩。容城城坳大如斗。今古賢豪萃作叢。靜修之修思慙思。撐拄乾坤萬不朽。行天日月地江河。出奉君王入父母。孝廉崛起兩賢鄉。手握天常爲世紐。黃金臺上已知名。高堂舞綵歌曼壽。一朝風雨下庭幃。大椿零落謗花剖。夜臺長夜寂無人。忽見野林孤兔走。九原日憶念兒心。六載枕苫相與守。諸婦同集一畝宮。隆隆方虎聲如吼。黎我有句不成詞。黃土一杯淚爲阜。紫則花開雨益濤。鴻雁影聯月在牕。隨笛咽寒幾斷腸。夜烏泣雲空翹首。我親亦未嘗君食。帝晝日月懸墻壞。感君兄弟倍酸辛。孝子忠臣天井久。君家兄弟遠相傳。亭亭玉樹師且友。能與朝廷生異人。應得異人還報厚。

定興鹿忠節公詩云。橫襟東海掛耶山。中有一廬無愧顏。毀後僅餘眉宇在。愁來惟把藝我圃。地當趙北燕南際。人跨椒山夢驪關。客子語音忽可味。細詢知自見君還。

三十九年辛亥二十八歲。

正月服闋。先生家世清白。廬居時。嘗至饘粥不給。而守貧彌堅。一老蒼頭於墓傍種萊。蔬北瓜其大異常。見者以爲三冬菹七年粟之一驗云。

按先生志學當自此始。憶友人問曰。先生自考志學。以何時爲可持循之日。先生云。少年妄意功名。自兩親見背。此念頓灰。與鹿伯順爲友。初以名節相砥礪。未免走入氣質之偏處。間然一念。自證生人面目。其實從哀慟窮苦中得來。

告同人爲割耳李節婦助葬。邑午方村節婦李氏夫死。曾割耳投棺中。誓不再適。貧老無依。先生糾同人資之數年。迄歿爲具棺助葬。并恤其子。後其子婦復勵節。一子女教爲之大著彩。

秋寓京師。館兵部郎杜友白家。友白名詩山東人。墓先生爲人以其子受學。

十一月長子立雅生。

四十年壬子二十九歲。

寓京師孝子賈三槐受學。三槐字正卿。固安人。兩廬父。母墓實過魯先生卒成就之。

晤曹貞子先生。舉仁體以告。貞子名于汴。山西安邑人。以正學自任。語先生仁體。反覆發明。先生當下恍然。覺此心與天地萬物相通。

四十一年癸丑三十歲。

下第仍寓京師。居停主人牛俊臣。俊臣字仰泉。任俠好客。重先生品。行願假館一時正人皆與之遊。

與周景文論交。鹿伯順先生是年舉進士。周景文順昌其同年友也。因伯順與先生爲友。一日向先生索楊忠愍使先生曰。忠愍爲世廟忠諫第一。君定不作第二人。伯順有詩紀之曰。寧中第二非吾事。好向椒山句裏尋。後周死逆瑞最烈。果

一第

同鹿伯順讀王文成傳習錄。先生初守程朱甚篤。鹿先生講次。每舉姚江語。先生因讀傳習錄知行合一。躍然有悟。自是寢食其中焉。

十一月次子奏雅生。

四十二年甲寅三十一歲。

在京師。

周綿貞時過余邸舍。周名起元江西人以侯命御史在都見先生制藝有志之丈夫不受制于遺物旬向友人曰讀孫公此二語令人氣躍千丈

六月例病與友人講習以代醫藥。先生自二十二歲廬中感嘈雜每夏秋之交必發廢飲食因自名爲例病友人許紫垣爾顯時讀書崇國寺常邀過其舍以講習代醫藥先生病漸瘳

四十三年乙卯三十二歲。

在京師。

爲邑紳陳見齋立嗣。陳名可成舉人爲令歿而無子先生言于邑令徐君廷松擇近支一人繼之徐卽告奠於其墓且出金經理其家

四十四年丙辰三十三歲。

在京師。

薛孔泉唐灼州賈孔澗各遣子受學。薛之子鳳祥賈之子爾霖。

後先生以長女妻爾霖。

四十五年丁巳三十四歲。

歸容城。

先生居京師者六年。皆鹿伯順范一泉兩先生爲之左右。至薪水之需。半仰泉任之。先生嘗云。余生平稍知自勵。卽服膺伯順與一泉先生。伯順每言。以改過而成賢者。獨見范老耳。

爲牛陰兩生免大戶。

太守洪振溪派牛陰兩生收概大戶。牛爲蓬萊令學曾子。陰爲臨朐令助子。邑紳舊無此例。先生合詞致書略云。一時有令甲一隅。有風俗容之鄉紳士子。其一切養馬納糧。具無異於平民。獨於頭役一節。從來

得稍一寬假。今臨朐蓬萊二君。卽於宦途若拙。叨列賢書。素稱曲謹。明公得之於月旦者自悉。今其兩子青衿也。屢赴秋闈。志期進取。乃俱不免於大戶之役。卽此時遵憲勉應。恐後來援以爲例。北海有言。民猶子也。士大夫賢子也。愛子尤當愛子之賢者。或亦養賢及民之意。古所謂君之仁者善養士。此實某等所幾幸於今日者也。

八月三子望雅生。

冬長女歸賈氏。

先生製布衣一襲。謂之曰。汝家漸貴盛。歸當著此服。勿忘吾家累世布素。後女撫孤守節。壽八十餘。臨終仍以此服殮。

四十六年戊午三十五歲。

七月二十七日。室人槐氏卒。槐繼人年僅三十四歲。先生誄有云。氏知大體。能甘貧。習妻實吾友也。文載家乘。

冬。同楊太僕讀書西張寺。楊名茂。定興人。時李含樸。鹿伯順。范懷洙。常相過從。

四十七年己未三十六歲。

爲蘇鴻宇與王坦山太守書略云。雄縣廩生蘇鴻宇。苦心砥行。學古之士也。生平孝友。雅重鄉評。兩舉行饒。荷蒙褒賞。食廩近三十年。毫無分外一事。某等結社於二十年之前。不獨文義相長。實以行誼共推。鹿職方伯順。貢憲副孔淵。俱同聲味。姑舉其一事。有同案生王進德。棄世。長李氏貧不能養。二子俱襁褓。鴻宇固寒士也。慨然捐廩。跟一年。倡諸好義者。爲治兩產。迄今李氏母子。得以完聚。蘇生之修持雅多類是。今當臨賁之時。考居四等。本生屬文於病荒之際。義命自安。某等論行於考試之餘。甄拔是望。三輔士曉然知文藝之外。別有立身根本。一方風教賴此舉矣。書入蘇生得復。

萬歷四十八年
泰昌元年 庚申三十七歲。

同門友任東海署雄縣諭。予過視。留十日歸。任名明臣。青縣人。正躬率土風教大行。先生極重之。